

et hoc est esse quod explicat definitio in qua non cadit aliquid de accidentibus sed ea sola que vel sunt rei essentia siue substantia. Unde et ratio substantie notata est vera definitio quam explicatio est ipsius substantie integra ac pura absque admissione vel admissione alicuius ex accidentibus et notata est substantia propter hoc quod stat sub tota illa veritate ac circumfessione accidentium sustinet eam alioquin caderet in non esse propter quod et accidentis nominatum est tanquam ad substantiam cadens querens inuiri ei et sustentari ab ea tanquam per se subsistere non valens vel dictum est accidentis quasi ad non esse cadens quantum in se est. hoc est quantum est ex natura accidentalis tanquam per se hoc est propria firmitate scilicet naturali subsistere non valens. Quinto modo dicitur veritas esse creatoris siue ipse creator et omne aliud compatitur ipsius dicitur falsitas sicut dixit Aristoteles in libro metaphisico dicens unum esse solum cuius nulla est causa et illud est veritas omne autem aliud est possibile esse et illud est falsitas vel vanitas et intentio ista similis est aliquatenus uni ex precedentibus intentionibus. Causa autem in hoc est quoniam quemadmodum non dicitur verum argentum quod exterius solummodo argentum est neque symea vel pylosus dicitur homo quam exterius homo est in interius autem brutum. Sic unum quodque eorum que sunt propter creatorem exterius tantum est et affors habens esse defors et aduentitium quoniam sicut declaratum est tibi in prima parte totius sapietialis ac diuinalis magisterij esse quod predicatur per hoc verbum est et hoc est esse quod unum quodque est hoc inquam esse de uno quod alioque dicitur accidentaliter siue secundum participationes de solo autem creatore dicitur essentialiter siue secundum essentiam aut secundum substantiam ab omni quod per alio est separabile actu vel ratione siue intellectu a creatore vero solo nullo modo. rursus separabile est alioquin esset ei acquisitum vel aduentitium huiusmodi aut impossibilitas manifesta est quam si esset ei acquisitum aut esset ei acquisitum a se vel ab alio et ita vel esset causa sui esse vel causa haberet aliam et ita nec esset primum nec principium et non oportet ut preter hic destructio erroris istius de qua est mihi in prenominate tractatu plenissima certitudo. Quia igitur omne aliud a creatore exterius tantum est hoc est esse foris se et aduentitium utpote accidentaliter Solus autem creator intus vel potius intus Merito falsum ens dicitur omne aliud aut falsitas. Solus autem creator verum siue verum ens et verus autem veritas. Huiusmodi autem

exemplum conuenientissimum est in aere luminoso siue lucido falso enim lucidum siue incens compositione solis dicendum est et maxime compositione lucis solaris que essentialiter lux est et eius est lucere. Sexta vero intentio veri et veritatis qua vera dicuntur enunciata et vere enunciationis et hoc ut ait Auicenna est adequatio orationis et rerum id est affirmationis et negationis et intelligendum est in sermone auicenne quod orationem vocat tam exteriori scriptam scilicet vel vocali quam spiritalem siue intellectualem. Siue autem dicas enunciationem siue equalitatem siue similitudinem non refert quantum ad intentionem auicenne. Verum igitur secundum hanc intentionem adequatus ut dixi sue affirmationi vel negationi et ista adequatio est non secundum unum tempus tantum immo secundum omne et extenditur etiam in eternitates oratio igitur vera est que dicitur esse quod est aut non esse quod non est vel fuisse quod fuit vel non fuisse quod non fuit et similiter se habet de futuro. Debes etiam scire hoc quia non est enunciatum alicuius enunciabile que vel aliud aut plus aut minus aut aliter quolibet modoque asserit vel negat quam habeat vel contineat ipsum enunciabile et hec est similitudo vel equalitas vel adequatio quam intendit auicenna siue dicas conuenientiam siue concordiam inter ipsum enunciabile et suam orationem vel negationem suam inquam sicut exposui tibi prius hoc ipsa conuenientia vel concordia enunciabile et enunciationis. Veritas est utriusque et contrarium siue peruersio illius est falsitas utriusque. Verum igitur est enunciabile quod a sua affirmatione vel negatione disconuenit vel discordat. Unde manifestum est quod veritas et falsitas secundum intentiones istas velut respectus sunt aut compositiones compositionum atque diuisionum ad affirmationes et negationes suas et veritas atque falsitas affirmationum et negationum comparationes sunt siue relationes aut respectus ad compositiones et diuisiones rerum quas significant. alibi autem declaratum est tibi per me quia comparationes et relationes nec addunt nec minuant rebus in semetipsis nec ponunt aliquid in illis neque comparatum aut relatum per hoc quod est comparatum aut relatum non habet aliquid in se sed habet aliquid ad se vel sibi. Siue dictum vel significatum apprehensum cogitatum amatum per hoc quod significatum cogitatum aut apprehensum aut amatum non habet aliquid in se nec iste dispositiones seu compa-